

## EPISTOLA.

cedere videntur. Hoc ne fiat, vestrum est nobiscum prospicere: nec hominum sanctam illam vitæ institutionem graue & durum iugum appellantium querimonias audire. Hoc vestra atque etiam paterna virtute dignum est. Hoc Deo gratum. Hoc animis vestris salutare. Hoc vestra ciuitatis incolumitati (quam totam ex vno Deo pendere agnoscitis) omnino & utile & necessarium est. Ad quod ego quanto maximo possum animi affectu vos adhortor, Deumque ipsum per unigenitum Filium suum, ut vobis eam mentem semper tribuat, ardentissimis precibus obsecro. Ceterum hic Augustini libellus, quæque sunt à nobis addita, à quot quantisque erroribus sit vobis cauendum, demonstrant. Continent enim omnes penè hereses, quæ à condito mundo, certè à passo pro salute generis humani Domino nostro Iesu Christo vsque ad constitutum tum Papi-  
smum, tum etiam Mahumetismum (quæ utraque est Apostasia à fide Christi vniuersalis) in Ecclesia Dei nata sunt & grassata. Alias enim, quæ hereses vocantur, quæque post illa tempora dicuntur extitisse, tum quod partim hereses non fuerunt: tum etiam quod si quæ fuerint, earum tantum, quas hic commemorauimus, interpolationes & renouationes quedam esse apparent, omisimus, quia crambe præsertim tam virulenta, vel semel apposita nedum repetita, mors est.

-101d